

» domando a vostre Eccellenze, all' amor e alla gloria delle quali
 » me son dedicà e in adesso servo. I desiderj de un cittadin da sto
 » logo con eccitamento spiegadi, quando da voti supremi i vegna
 » accolti, i diventa supremi comandi e voleri. Ha accolto el sere-
 » nissimo Mazor Conseggio i umili eccitamenti de sto devoto citta-
 » din con la più solenne pienezza de voti non sinceri. Sto eccita-
 » mento versante sull' importantissimo affar dei viveri de prima ne-
 » cessità, sul ministero, sul lusso, sul costume, analizà, distinto arti-
 » colatamente, ze diventà un comando. Ho indicà, che vostre eccel-
 » lenze coi voti non sinceri ecciti la serenissima Signoria a propor
 » al sovràn, a quell' istesso, che ha comandà, con quella prontezza,
 » che richiede el so zelo, l' argomento importantissimo e la qualità
 » dell' affar, l' eccitamento ze diventà un comando esprimente la vo-
 » lontà del padron della Repubblica. Sta volontà richiede sollecitudine.
 » Me sia lecito el dirlo al corpo più augusto della Repubblica,
 » parlo con venerazion, ma el zelo della patria me costringe a par-
 » lar. Sto comando ze sta trasgredido, e nella sollecitudine e nella
 » proposizion. Cosa vol dir sollecitudine? Un periodo de tempo ri-
 » stretto fra pochi giorni, non settimane, non mesi. No ze possibile
 » sta sollecitudine? Ghe vol un tempo lungo a maturar sti affari?
 » Se no la ze possibile, se el ghe vol, se pol darghe eccezion, se
 » pol dirlo, al zorno dell' eccitamento. Se ze giusta sta eccezion, el
 » Mazor Conseggio ghe accorda un tempo più longo. Ma subito
 » che ze comandà bisogna obbedir. Se tal ze la sollecitudine per se
 » stessa, qual doverala esser in riguardo alla durazion della serenis-
 » sima Signoria? Un tempo più ristretto ancora. Ogni do mesi i
 » eccellentissimi capi de 40 al criminal se cambia: spesse ze le
 » variazion dei consiggiari. Donca el tempo de due mesi non sarà
 » sollecitudine. Nol sarà un mese, perchè la ze la metà del tempo.
 » Le leggi vol, che una proposizion dal zorno che la ze letta, la stia
 » otto zorni esposta, se la vien contradetta, se se consuma qualche
 » periodo de zorni, passa l' altro mese. Ma, a che serve de deffinizion?
 » Mai la serenissima Signoria ha oltrepassà i 15 zorni a esibir una